



ՍՈՎԵՏԱԿԱՆ ՄԻՈՒԹՅՈՒՆՈՒՄ ԳՈՐԾՈՂ ԵԿԵՂԵՑԻՆԵՐԻ ՊԱՏՎԻՐԱԿՈՒԹՅԱՆ ԱՅՑԸ ՄԵԾ ԲՐԻՏԱՆԻԱ

«Ձխաղաղութիւն թողում ձեզ, վխաղաղութիւն
լիմ տամ ձեզ, ոչ որպէս աշխարհս տայ տամ
ձեզ»:

(<ՈՎ<. ԺԴ 27)

Սույն թվականի հունվարի 10—21 օրերին, Բրիտանական Եկեղեցիների Խորհրդի հրավերով, Մեծ Բրիտանիա այցելեց Սովետական Միությունում գործող քրիստոնեական Եկեղեցիների ներկայացուցիչներից բաղկացած Էկումենիկ մի պատվիրակություն՝ գլխավորությամբ Կիևի և Գալիցիայի միտրոպոլիտ Ֆիլարետի: Պատգամավորության կապում էին Ռուս Պրավոսլավ Եկեղեցու, Հայաստանյայց Առաքելական Եկեղեցու, Վրաց Օրթոդոքս Եկեղեցու, Լատվիայի լութերական, կաթոլիկ, մկրտչական Եկեղեցիների և Էստոնիայի լութերական Եկեղեցու ներկայացուցիչներ՝ թվով տասնմեկ հոգի:

Լոնդոնի Հիտոր օդանավակայանում պատվիրակությանը դիմավորեցին և ողջունեցին Բրիտանական Եկեղեցիների Խորհրդի նախագահ, Քենթրբերիի Արքեպիսկոպոսի ներկայացուցիչ, Վիլզընի եպիսկոպոս Հիվեթ Թոմսոնը, Բրիտանական Եկեղեցիների Խորհրդի գլխավոր քարտուղար դոկտ. Ֆիլիպ Մորգանը, կանտոնիկոս Պոլ Օսթերայխը և քրիստոնեական տարբեր Եկեղեցիներ ներկայացնող պաշտոնական այլ անձինք:

Իր այցելության ընթացքում պատվիրակությունն ընդունվեց Քենթրբերիի Արքեպիսկոպոս Ռոբերտ Ռընսիի կողմից թե՛ Քենթրբերիում և թե՛ Լամբեթի պալատում: Պատվիրակությունն ընդունվեց նաև Նիկիական աւուրում (Լոնդոն), որտեղ Եվրոպական Ե-

կեղեցիների Կոնֆերանսի նախագահներից Օքսֆորդի եպիսկոպոս դոկտ. Պատրիկ Ռոդմերը, հանուն Քենթրբերիի Արքեպիսկոպոսի, ողջունեց և բարի գալուստ մաղթեց պատվիրակության անդամներին:

Հունվարի 12-ին Ադդինկտոնի պալատում տեղի ունեցավ խորհրդակցական հանդիպում Սովետական Միությունում գործող Եկեղեցիների պատվիրակության և Բրիտանական Եկեղեցիների Խորհրդի անդամների միջև: Այս առթիվ ճառով հանդես եկան ավագերեց Հ. Սորոխինը և Սուպերիի եպիսկոպոս Ջոն Բեկլըրը: Երկու հռետորներն էլ շեշտեցին կայուն խաղաղության հաստատման անհրաժեշտությունը քաղաքական ներկա լարված դրության պայմաններում: Խորհրդակցության ընթացքում ընդգծվեց Արևելքի և Արևմուտքի պետությունների միջև փոխադարձ հասկացողության հաստատման կարևորությունը: Մասնավորապես շեշտվեց, որ անհրաժեշտ է Էկումենիկ ոգին է՛լ ավելի տարածել և արմատավորել բոլոր քրիստոնյաների մեջ, որպեսզի քրիստոնեական Եկեղեցիները կարողանան միասնաբար իրենց կարևոր նպաստը բերել կողմերի միջև մերձեցում և փոխադարձ սեր ու հարգանք հաստատելու գործին: Վերոհիշյալ հարցերի շուրջ խորհրդակցության բոլոր մասնակիցներն էլ ելույթներ ունեցան՝ հիմնվելով իրենց անձնական փորձառության վրա:

Վերջում խորհրդակցությունն իր աշխատանքի արդյունքներն ամփոփեց չորս կետերի մեջ՝ իբրև առաջարկություն ներկայացնելու համար բոլոր պետություններին:

1. Փոխադարձաբար սահմանափակել մեղադրական հայտարարությունները:
2. Հրաժարվել առճակատման քաղաքականությունից, լինի ռազմական, տնտեսական թե քաղաքական, և առաջնորդվելով բոլոր տեսակի հարցերը միայն խաղաղ միջոցներով լուծելու նշանաբանով՝ որդեգրել այնպիսի մի քաղաքականություն, որը մեղմացներ միջազգային լարվածությունը և ստեղծեր անկեղծ համագործակցություն մշակութային, գիտական, տեխնոլոգիական և տրնտեսական բնագավառներում:
3. Համաձայնվել անհապաղ հրաժարվելու գոյություն ունեցող միջուկային պինամթերքի կարևոր մասից՝ իբրև նախաքայլ միջուկային պենքերի հետագա ամբողջական պինաթափման:
4. Ռազմական նպատակների համար օգտագործվող ռեսուրսներն ու ամբողջ տեխնոլոգիան ուղղել ազգային կարևոր ծրագրերի իրագործման նպատակին:

Պատվիրակության անդամները Լոնդոնում օգտակար հանդիպումներ ու պրոպոզիցիան անգլիական, մեթոդական, վերակազմայլ, մկրտչական, լուսերական և քուեյթրպլների եկեղեցական կենտրոններում, ինչպես նաև Շոտլանդիայի, Իռլանդիայի և Գալիայի Եկեղեցիների ներկայացուցիչների հետ՝ հիշյալ վայրերը իրենց այցելության ընթացքում:

Անգլիայի Երեսփոխանների խորհրդի նախագահ Ջորջ Թոմասը պառլամենտի շենքում հատուկ հյուրասիրությամբ պատվեց պատ-

վիրակության անդամներին: Անգլիայում Սովետական Միության դեսպան Վիկտոր Պոպովի անունից, ի պատիվ պատվիրակության, պաշտոնական մի ընդունելություն կազմակերպվեց նաև Լոնդոնի սովետական դեսպանատանը, որտեղ հավաքվել էին շուրջ երկու հարյուր հրավիրյալներ:

Անգլիայում գտնվելու օրերին պատվիրակության անդամները հնարավորություն ունեցան այցելելու նաև Բելֆաստ և Հարավային Լոնդոնի Բրիքստոն թաղամասը, որտեղ գոյություն ունեցող քաղաքական անհանդարտ վիճակը և ցեղային խտրականությունը դեռևս շարունակում են մարդկային պոեր խել:

Այցելության վերջին օրը, Բրիտանական Եկեղեցիների Խորհրդի կենտրոնում, խորհրդի փոխնախագահ Դեվիդ Տեմպլը պատվիրակության պատվին տվեց պաշտոնական ճաշկերույթ: Երեկոյան Լոնդոնի Աթենեա կոմբում խորհրդակցության նախապատրաստական կոմիտեի նախագահ Սըր Ջոն Լորենսը ընթրիքով պատվեց պատվիրակության անդամներին:

Մեկնումի օրը Լոնդոնի օդանավակայանի մատուռում տեղի ունեցավ եկումենիկ համատեղ աղոթք, որի ընթացքում կենսինգտոնի եպիսկոպոս Մարկ Սենթըրը թարգմանը հանդիսանալով Բրիտանական Եկեղեցիների Խորհրդի նախագահ դուկտ. Ռոբերտ Ռընսիի եղբայրական պագմունքների՝ քույր Եկեղեցիների ներկայացուցիչներին մաղթեց բարի ձանապարհ և վերստին հանդիպում քրիստոնեական նույն ապնիվ նպատակներով:

ՆԵՐՍԵՍ ԵՊԻՍԿՈՊՈՍ ՊՈԶԱՊԱԼՅԱՆ

